

荊門直隸州志

「清」同治版壬辰校勘本

精門直隸州志

主編：李勛明 羅天福

中國文化出版社



中国文化出版社

图书在版编目 (CIP) 数据

荆门直隶州志/李勋明 主编. — 中国文化出版社, 2012. 12

ISBN 978-988-79377-3-9/Z. 1284

I. 荆… II. 李… III. 地方志. 荆门直隶州志—中国—当代 IV. 2692

中国文化出版社 CIP 数据核字 (2012) 第 20120549 号

荆 门 直 隶 州 志

主 编: 李勋明 罗天福

出 版: 中国文化出版社

网 址: <http://www.zgwh.cn>

总 编 审: 中国文化出版社国内编审处

地 址: 北京市丰台区太平桥中路威尔夏大道 3C

责任编辑: 徐传洲

装帧设计: 李壬杰

印 刷: 荆州市精彩印刷有限公司

开 本: 787×1092mm1/16

字 数: 450 千字

印 张: 38 印张

印 数: 1-3000 册

版 次: 2012 年 12 月第 1 版 第 1 次印刷

书 号: ISBN 978-988-79377-3-9/Z. 1284

定 价: 平装本: 500.00 元 精装本: 800.00 元

版 权 所 有 • 侵 权 必 究

国内编审处: 010-51291806 E-mail: zgwh0126@126.com

荊門直隸州志叙



卷四 中
THE
CHINA

榮自丙寅七月奉檄知荊門甫
三月而民以兵告督團籌費設
防守卡晝夜巡邏勢岌岌殆賴
諸紳與諸民同心協力賊不得
度漢水一步越明年四月賊北
竄幸安堵而民以旱告設壇虔
禱甘霖未徧穀不盡熟有餓者
民又以饑告開倉平糶設場為
粥補救萬一幸無饑莩歲戊辰
時暘時雨年穀豐成於是始得
進紳民於庭屬之酒而慰其勞

苦諮以事政之得失且詢曰榮
才薄忝宰劇邑值時事多艱賴
諸君協助力俾無顛墜今奉
憲札重修州乘諸君其匡我所
不逮勿墜前人功而傳訛於後
世有進而言曰水通江漢山連
巴蜀扼唐鄧之咽喉趾荆襄之
腹脅荊門之形勝也是宜志有
進而言曰叔教相業馬良文譽
三孫科甲二朱理學荊門之文
物也是宜志有進而言曰吳源
夫妻節標史策貞恪父子功紀

其西北一帶山重嶺複田少石
多鑿塘築堰未敷灌溉雨期偶
愆禾苗立槁山水冲發又虞崩
壓此山鄉之所苦也其環城三
四十里山皆童禿無材木可伐
無煤炭可鑿澗水一線流清而
淺不生魚蝦蘆葦舟車不通百
貨皆匱衣食日艱此城市之所
苦也抑又有甚焉者自咸豐甲
寅以來屢遭兵燹水旱蟲荒饑
饉洊臻地當孔道兵勇往來絡
繹騷擾甚或驅牲畜攫衣帛火

旂常荆門之節義也是宜志榮
謝曰是皆然然前志詳矣所望
於諸君者欲告我以民間疾苦
俾知政有先務將以見於實事
而後筆之書並以詔後之宰斯
邑者非徒務觀美博著述虛譽
已也有離席而言曰荆門瘠邑
也東南多水西北多山山多憂
旱水多憂澇自小江湖下至新
城百有餘里胥濱漢水一遇汎
濫堤潰圯決膏壤化為沮洳廬
舍蕩於波濤此水鄉之所苦也

屋廬而筆楚其老穉又以地曠賦繁司牧者催科不暇理餘事頑健痞惡之徒往往武斷鄉曲魚肉良善為地方害此皆近歲之所尤苦而志中所不能載亦修志者所不能悉知而不可不知者也榮乃愀然避席而謝曰志者所以志一邑之利弊使後人得所考循而興除之山川誇其盛人物豔其名何與於斯民之利賴志所已載者皆為陳迹而所不能載者始為要圖吾不

能悉載於志吾惡敢不悉知於心以施於事急為除疾苦而興樂利乎志成書其語於簡端以補志之所闕且以告後之加意民事者勿泥於陳迹勿忽於要圖

同治七年歲在戊辰秋八月
士出身前吏部考功司主事知
荊門直隸州事襄平恩榮



荆门直隶州志目录

序1

修志姓名9

凡例13

目录.....17

宸翰志卷首19

輿地志卷第一.....22

 星野（有图）22

 疆域（有图，附形胜）25

 山川.....61

 古迹（有图，附冢墓）70

 风俗.....92

 物产.....94

 祥异.....96

建置志卷第二.....100

 沿革（有表）101

 城池（有图，附街巷、坊表、关隘、桥梁、津渡、集镇）106

 官廨（有图，附驿站、塘铺）116

 堤坊（有图，附水利、论说）126

政典志卷第三.....137

 户口.....138

 赋役.....139

 仓储（有图，附社仓）149

 学校（附学田）155

 书院（有图，附乡塾）158

 贡院（有图，附宾兴）169

戎制志卷第四.....173

 将弁 兵马 粮饷 塘汛（附乡团、戎仕）174

祀典志卷第五.....180

 庙祀（有图 文庙 武庙 文昌宫 吕祖庙 龙神庙 城隍庙）181

 坛壝（有图 社稷坛 风云雷雨山川坛 先农坛 州厉坛）206

祠祭(有图 昭忠祠 周贞恪公专祠 全忠祠 名宦祠 乡贤祠 忠义孝弟祠 节孝祠)···	210
祠宇志卷第六 ·····	218
古祠(有图) 寺观(有图) ·····	219
职官志卷第七 ·····	229
前代职官(有表)·····	230
牧佐(有表) ·····	244
师儒(有表) ·····	259
武职(有表) ·····	263
循吏·····	271
忠烈(附封爵) ·····	281
选举志卷第八 ·····	283
荐辟 科甲(附例仕、荫仕、掾仕、世职、封典) ·····	283
人物志卷第九 ·····	310
仕绩·····	311
忠义(附义勇、义仆) ·····	318
乡献·····	328
孝友·····	333
文学·····	341
武功·····	348
懿行(附耆寿) ·····	350
隐逸·····	365
侨寓·····	367
仙释(附方伎) ·····	370
列女志卷第十 ·····	375
贤母 寿母·····	376
孝妇 节妇 烈妇·····	378
孝女 贞女 烈女·····	419
艺文志卷第十一 ·····	436
赋·····	437
文·····	441
诗·····	548
杂录志卷十二 ·····	586
杂录·····	587
跋·····	605
后记·····	606

荆门直隶州志叙

荣自丙寅七月奉檄知荆门，甫三月而民以兵告，督团筹费，设防守卡，昼夜巡逻，势岌岌。殆赖诸绅与诸民同心协力，贼不得度汉水一步。越明年四月，贼北窜，幸安堵。而民以旱告，设坛虔祷，甘霖未徧，谷不尽熟，有饿者。民又以饥告，开仓平粜，设场为粥，补救万一，幸无饿殍。

岁戊辰，时暘时雨，年谷丰成，于是始得进绅民于庭，属之酒而慰其劳苦，咨以事政之得失，且询曰：“荣才薄，忝宰剧邑，值时事多艰，赖诸君协助力，俾无颠坠。今奉宪札，重修州乘，诸君其匡我所不逮，勿坠前人功而传讹于后世。”有进而言曰：“水通江汉，山连巴蜀，扼唐邓之咽喉，毗荆襄之腹胁，荆门之形胜也，是宜志。”有进而言曰：“叔敖相业，马良文誉，三孙科甲，二朱理学，荆门之文物也，是宜志。”有进而言曰：“吴源夫妻节标史策，贞恪父子功纪旗常，荆门之节义也，是宜志。”荣谢曰：“是皆然，然前志详矣。所望于诸君者，欲告我以民间疾苦，俾知政有先务，将以见于实事而后笔之书，并以诏后之宰斯邑者，非徒务观美、博著述虚誉已也。”有离席而言曰：“荆门瘠邑也，东南多水，西北多山，山多忧旱，水多忧涝。自小江湖下至新城，百有余里，胥滨汉水，一遇汜滥，堤溃垸决，膏壤化为沮洳，庐舍荡于波涛，此水乡之所苦也。其西北一带，山重岭复，田少石多，凿塘筑堰未敷灌溉，雨期偶愆，禾苗立槁，山水冲发又虞崩压，此山乡之所苦也。其环城三四十里，山皆童秃，无材木可伐，无煤炭可凿，涧水一线，流清而浅，不生鱼虾芦苇，舟车不通，百货皆匱，衣食日艰，此城市之所苦也。抑又有甚焉者，自咸丰甲寅以来，屡遭兵燹，水旱虫荒饥馑洊臻。地当孔道，兵勇往来，络绎骚扰，甚或驱牲畜，攫衣帛，火屋庐，而捶楚其老穉。又以地旷赋繁，司牧者催科，不暇理余事，顽健痞恶之徒往往武断乡曲，鱼肉良善，为地方害。此皆近岁之所尤苦，而志中所不能载，亦修志者所不能悉知而不可不知者也。”

荣乃愀然避席而谢曰：“志者，所以志一邑之利弊，使后人得所考循而兴除之。山川夸其盛，人物艳其名，何与于斯民之利赖？志所已载者，皆为陈迹，而所不能载者，始为要图。吾不能悉载于志，吾恶敢不悉知于心，以施于事，急为除疾苦而兴乐利乎？”志成，书其语于简端，以补志之所阙，且以告后之加意民事者，勿泥于陈迹，勿忽于要图。

同治七年岁在戊辰秋八月

进士出身前吏部考功司主事知荆门直隶州事襄平恩荣

黄续志序

志之为言志也。《诗》言志《诗》亡，然后《春秋》作，《春秋》有褒贬犹《诗》有美刺，皆以劝善惩不善也。郡邑有志，其于《诗》与《春秋》之义将毋同然而犹有辨。自《毛诗》分正变风，左氏因《春秋》之文作内外传，言与事并著于一篇，丹砂洩勃骈然入简。

志者，揭其美，鸣其休也。后之人潜光幽德播散天壤，愧非提要钩元为之综核，名实无以渐剗洽渍，俾倾慕者胥劝于善，而不自知。夫善莫著于忠孝节义之事，庸行也，亦奇行也，特安常处顺，几若习见习闻。风不急不鸣，水不流不韵，则欲求其行之奇者，不数觐。惟势迫时艰，蟠郁之气薄于星日，诣其极，圣贤之轨森然具焉。悲夫湮没不彰，诚缺典也。天恠石浮蟪，《禹贡》即为博物之志；紫芝丹凤，《史》、《汉》率多祥瑞之书。是以志乘一书，于星野、輿地、山川、形胜及人物、祥异，靡不具载，而于忠孝节义之行言娓娓，其不尽志其善于前者，所以劝其善于后也。

余丁巳冬权篆是邦，孝子忠臣、义夫节妇及人才学艺，彰彰在耳目间，足以励翼纲常，维持风化，爰博访旁搜，得悉其详，续入州乘以纪实云。至若星野、輿地，前志已登，故不赘，其中间有字句讹谬处，悉仍其旧，未敢稍增损焉。其亦如《诗》之庆羌马媼，《春秋》之鲁鱼亥豕也。夫是为序。

咸丰九年岁次己未端阳后三日

诰授中宪大夫摄理荆门直隶州事安陆府知府加三级黄昌辅撰

王续志序

郡县之有志，与国史相表里。史以纪一代之事，而志则一郡一邑，必委曲详尽以待輶轩之采取。虽体裁不一，无非循名核实，俾观者资所考据，不致荒远无稽、废坠不举也。

荆门为楚北名区，其中炳炳麟麟、垂光简册者，不一而足。厥自前州舒公纂修，后鲜留意者。余承乏兹土，取州乘观之，见其分门别类，条理井然，第版本湮漫残缺无存，且近事阙而未载，心颇歉焉。盖修志之不容缓者有二：荆门向属安陆府，于乾隆五十六年始改直隶，辖当、远二县，疆域既分，纪录亦异，其宜修者一也；前志修于乾隆甲戌，历春秋五十四矣，虽山川不改，而时事日增，其宜修者二也。苟辞采访之劳，惜梓辑之费，则流失废弛愈久愈湮。以数十年之名卿、硕彦、孝媛、贞姬，与夫元年教匪滋事、大功告藏数载以来，慷慨殉节从容就义者，忍听其隐而不彰、久而失传也哉？

爰于鞅掌之暇，网罗放佚，采辑旧闻，与诸君子鞠醺研究，兢兢讨论，仍其旧，增其新，事无巨细罔不纲举目张，既不没前人考究之苦心，亦可供后人追溯之取证，此则邦人之幸也夫。至若间有遗佚，或以文献无征，或以申详失实，无可征信，阙而不书。余故为之说，以弁简端，俟博雅者之折衷云尔。

嘉庆十四年岁己巳仲秋月

署荆门直隶州荆州清军府应升知府江都王树勋撰

舒志原序

潘子义云：“在官写书，亦是风流小过。”余尝三复其词，而知其有为而言也。矧其书为在官者不可不写之书，又凡郡邑不可一日或无之书，而阙焉无存，且至数百年因循废坠而莫可稽。承其后者方毅然自任，从而采辑之，修举之，以冀张幽而补罅。乃一辑再辑，续修屡修，皆不克成其书。在官者弥苦矣，遑计及功与过哉？

荆门属古南郡，故用武地。自汉末曹、刘角逐，晋后五国蹂躏，唐虽混一，而纷据于藩镇，在宋中叶而薄邻乎金敌，陈编遗册半荡兵戈，谁其深豕头之埋、善壁里之藏乎？然余尝购得胜国旧志叙二通：一则明初叶广文创其稿而未梓，见于里人李克俭之序；一则弘治十六年韩牧厘定而将侵之，州人刘春序可征。然兹本亦无有传者，其果侵与否亦未可知也。且自明季壬午之岁，荆门惨遭闯变，代守卢公及僚属、士庶殉难者不可胜纪。人民既屠，宫室为墟，即有版籍，亦尽销灭于煨烬之余，此荆门之志之所以阙焉无存也。国朝百余年来，制作明备，守土者不一，其人岂必无叶公、韩公之志哉？而文献既阙，搜讨维艰，则有志而不克竟者比比矣。

余自癸亥莅荆，甫下车，索州乘，泯然无片纸焉。聿考其由，而知此志之失由来旧矣。因慨然曰：“志者，在官者不可无之书也。况荆门南捍江陵，北援襄、樊，周方千里，为楚要区。其山川则有内方、上泉、仙居、蒙、惠、龙、顺之奇，皆天地之至灵至秀所凝而结、融而释者也，其人物则有三孙、二朱、四胡、一范之异，皆古今之名臣名儒所挺而生、发而颀者也，而可不志与？”爰自乙丑之岁，即以纂修为己任，开局于沙镇之汉上书院，乃余之志从此锐，而余之力亦从此惫矣。

始也，延黄冈孝廉周君茂廷、州进士李君光泗、明经陈君鉴、胡君克柔共任其事。征文考献，访旧咨新，亦几不遗余力矣。乃诸君或迫以仕起，或旋以养归，草创未成而寝。阅明年，又延州明经魏君光辉续之。魏君素悉地理，凡山川之脉络，古迹之昭垂，皆身历亲绘，不惮证订之劳焉。其后，汉阳副车王君履泰及其弟参军王君石玉一再续之。三贤均以先后下世而止。阅二年，庚午，州进士古君澧许任其事，猝以应汉中之聘而行。嗟乎！人凡八易，岁且五更，乃求卒业而不可得，亦甚矣其惫也。

而余之于此抑又有难焉者。余自丙寅迄壬申七八年中，方王事倥偬，工役频仍，建衙署，新学校，立三仓，创二闸，四起堤工，两觐京都，俗吏劳劳，日无宁晷，又岂得偷闲案头自为考校？而此志之修，遂几等诸洪武以前、弘治以后之举。

癸酉夏，余又叨保荐，九月方归自京师，时诸工已次第告成。郡伯张公垂念兹志，且重勗之。余于是坚欲纂成，再发征引，广事搜罗。家有一编半简者，咸得借观，人记只言

片行者，辄得陈说。又哀集群书，自汉、唐、宋、元诸史以及省、道、府志而下，无不胪列。乃以前辑数稿与残编旧闻互相考订，更延吾乡前达西林宰李公法孟、会稽征士陈君荣杰，汰其冗蔓，核其疑似，列其标准，详其品目，宁质毋文，宁约毋侈。于是，志山川则本其素迹，不敢侈衡、华之险而冒潇湘之盛也；志城邑则守其幅员，不必夸三都之丽而壮两京之雄也；赋式，准诸部计，非剿《禹贡》而剽《周官》；风俗，采诸民谣，岂渔二《南》而猎诸《国》也。至于人物一类，所收从广，盖一行足录，君子所取，然亦非刻画忠孝，则奢、尚接踵；仪图冰霜，则共姜比户也。凡又阅岁，而志始成，为卷三十六，目五十四。盖合之起念之初，于今十载矣。此志之难成也，不信然哉？

虽然，志成矣，而余之心犹用是歉然也。夫一人之闻见有限，而千年之稽蕴无穷，即以余孜孜十载之功，其能无挂漏之衍乎？且名山石室，本多未发之传书；溪僻云深，不无难逢之遗老，此则余力之所不及而亦无可如何者也。然天下不患无因，患其无创。吾亦创为此略，以俟后之君子讨论而精详焉耳。若谓借此免过，非吾志也。

乾隆十九年岁次甲戌九月望前二日

诰授奉政大夫升授广西平乐府同知仍留湖北安陆府知荆门州事保举知府记名任丘舒成龙撰。

明初修《荆门志》旧叙

寰宇既归一统，图籍选入天府，郡邑志所宜亟也。前州守奉文催修纂，迫于限期之严，未免遗佚。杭郡叶公原瑛自洪武甲子春莅吾州学正，适钱塘杨使君讳名来守吾州。间视学，谓叶师曰：“尔我皆浙士也，云萍之聚，政教任同于江汉间，而荆门志书不及详，阙典之憾，将不貽诮于后人乎？其相与勉成之！”无何，杨公去官而未竣厥事。

幸叶师不忘所托，乃旁搜徧访。而耆艾零落，有若晨星，漫莫加省，仅得一二事实于传记，而其详罕闻。虽学前碑阴刻“《荆门记》共十册”六字，有其名而无其实，缺略未之有成。天假之缘，府城湘王殿下召览《大一统志》，叶师应藩召，凡有涉于荆门者，必记而录之，详略相因，概可考订。旋州在明伦堂约数十手笔，经历九年，百易草稿而始有通绪。司徒之典，治道之要，宁不有资于万一？

廿五年壬申冬缮修，知州广信童伯亨、同知温陵陈汝德、判官番阳孙本良、幕长山阴吴子良、当阳知县苏州徐福、教谕庐陵卢云续增成稿。皆由学师叶公领率之劳，用俟梓传，不忘所自云。

洪武二十五年壬申冬良月，州人李克俭谨叙。

明正统《荆门州志》序

图志之作，其来尚矣。图以绘其形，志以记其事。观图，则城郭、疆域之广袤，山川、地理之险夷，了然可见。阅志，则风俗、贡赋之详，名宦、人物之悉，灿然可知。故州郡图志之书，不可以不作也。

近予出按荆门，获见州志一帙，乃洪武间儒官叶原瑛先生所辑。先生，浙之严陵人，尝为是州学正。缘旧志遭元季兵毁，板刻无存。先生悉心殚力，广采博询。至于断碑残碣，罔不搜访；片言只字，凡州志所载，无不采录而收之。有所未备，刚考诸《大统一》，增而足焉。且能区别门类，井井有条。其于历代沿革、山川、庙宇、名宦、人物、题咏、碑碣之类，分为十卷，各有小序以启其端。简而不繁，略而有要，深有得于记事纂言一体。吁！先生之用心，其益于荆门贤士大夫，岂浅浅哉？

今州守毗陵邢宁偕其佐益都张聪等，乃能不负先生述作之劳，于公务之余，披阅图记，得有考，征今酌古，以修举废坠为念。是故，于宣圣庙学堂宇之损坏者则修而扩之，于王安陆公祠馆之颠覆者则创而新之；他如城隍之庙、龙神之祠，或修或创，罔不究心。又岂

不由图志之籍有所取证而致然耶？矧又于志书旧刻已磨者治之，后事未入者收之。叶公作志于前，今守续之于后，均美同芳。既而州庠司训陈学、郭獬胥来征言以记之，且道其善，书此以拜诸图志之首云。

正统戊辰。

按，同治原志无此序，壬辰重刊加。

明嘉靖《荆门州志》序

《荆门州志》，前州文学三山林子球之纂修而梓成者也。秩满去，板归之州已浹岁矣。嘉靖己丑冬，太守陆侯莅事初，暇登览秀亭，见有残板委诸地，命取而观之，则州志梓板也。侯乃叹曰：“此一州之文献也。剥落如此，考古者能无杞宋之恨邪？”既而询之学诸生，有以集本进者。侯披阅之余，益重惜之。因校其旧本，捐已俸而重镌之以行。而荆州伯丰山公教至曰：“郡向无志，文献亡征，可参订州典以成书。”侯拜奉命，命云按旧志事类增收以入，就笔削。既成，籍诸庠而令递守以传。且曰：“嗣我者不遂因而压梗之，则不惟风俗，政治之□□，亦可按而知，将风帅振育之方，亦不外是而得矣。”因命云序之，以纪岁月。乃序曰：

州有志，志此州之事也，君子之所以鉴古而善今也。荆门，古名州也。蒙泉、象山之胜旧矣。昔之宦与寓兹土者，有若胡文定、陆文安其人焉。山水之显于天下者，以此人也；而知此人者，以此书也。使凡为吏于此者而无此书，则无以淑政教而遗诸人；凡为士于此者而无此书，则无以恭桑梓而兴高山之仰。是书之不可无也，彰彰矣。此侯所以有重梓之举，而亦丰山公之教也。此书行，则民永绥怀，而士知向往。侯之惠，其远矣。君子谓侯知政也，识先务也，仁而敏也。侯名□，应天上元人，由澧州安乡令擢今职；廉明刚正，才裕于治。凡所规为人戴而宜之，其施于安者，民今犹称思之。刻之岁，则嘉靖九年四月维夏也。是为序。

古闽凌云。

按，同治原志无此序，壬辰重刊加。

原 序

《九丘》作而《禹贡》继之，《周·职方》又继之，所以志九州之域，广轮之数，贡赋之制备矣。自秦废封建，置郡县，沿汉暨唐以来，遂有地理志、郡国志、风土记、耆旧传诸作，或总括区宇，或详著一方，虽有不同，然皆类耳。今天下之地理、人物、风俗、古今沿革，有《大明一统志》所以总括者，无遗矣。虽撮其纲而不能尽其目，举其大而不能及其小，法宜然也。故藩省郡邑各有志，盖视《一统志》以为概括而加详焉。士之博古者试取而读之，则凡某郡某邑之风俗、道理、人物之数，不出户庭可究；而其用世者欲酌其政事之弛张缓急，亦无不得于几案间；况其所以昭兴替垂、鉴戒，又靡不备耶？此《荆门州志》所由作也。

上虞韩侯以弘治十四年来守吾州，廉明慈惠。越二载，政通岁成，民罔弗乂。乃索志，得旧稿于掌故，观之，病其未悉，遂祖《一统志》为义例，考校删定，厘为若干卷。将侵梓，委予序之，且曰：“文献不足，殆难免于挂漏、讹谬。然后之君子，固可藉是续而补之也。”予既受以从事，复告侯曰：

“荆门属古南郡，自汉末曹、刘角逐，终岁当矢石交战之所。迨吴、晋之时，虽幸羊、陆之交欢，而刁斗之声亦何尝息？寻五胡乱华，其害犹未易言。唐混一未久，纷据于藩镇，而荆门陷为僭窃之区矣。及五代，干戈无岁不动。在宋中叶，薄邻金狄，民之疲于奔走，犹不异于唐之季世。则士之生其地者，何暇考古修业？而仕于其间者，虽欲按图问俗，有事于志，亦将何所记哉？

天启皇明，肆我太祖高皇帝肇造鸿业，声教暨海外。而荆门在湖乡，距中州不千里，犹为华夏文明之地，故俗由政革，物以时成，地因人显，而是志之所采掇登载，若有不胜其伙者。然则君子之观之也，岂但知是郡风俗之美恶、人物之盛衰、治道之隆替而已哉？感今日之遭遇，怀昔人之流离，生于斯者益奋其进修之心，宦于斯者益励其效用之志，然后知志之非徒作也。”

春即述之以为序。

弘治十六年州人刘春

咸丰九年修志姓名

续修

升授湖北安陆府掇理荆门直隶州事随带加二级纪录六次黄昌辅（江苏江都人）

编者

原任湖北施南府恩施县知县王甲曾（江苏江都人）

采辑

候选训导杜方栋（州人）候选训导萧鸣玉（州人）候选训导张源溥（州人）
廩生钟寿朋（州人）廩生谢元礼（州人）生员张以恭（州人）增生张良弼（州人）
生员李锡珍（州人）生员黄 中（州人）生员方 松（州人）生员金 兰（州人）
廩生胡粹然（州人）监生徐云甲（州人）

参订

候选训导陈新之（州人）廩生潘煦（州人）

考正

山西大同府通判周厚基（州人） 职员周煊（州人）
同知衔四川广安州知州周瀚（州人）候选教谕王开运（州人）

校字

文童刘正福（州人）文童李树森（州人）文童张丙南（州人）文童吕兆祥（州人）
誊录彭朝良（州人）领刻、志板路长庚（州人）督梓、收掌书板礼书李长林（州人）